

午11
39

時疫解惑論

中國古醫學會
印行



庚辰夏日

時疫解惑論

高振霄署



中國古醫學會藏版
上海三友實業社承印



時疫解惑論序

本年時疫流行。此傳彼染。死者甚衆。察其病狀。皆爲上吐下利。心慌轉筋。音啞肉脫。四肢冰冷。兩脈伏匿。大小同病。萬人一轍。揆其受病之人。多係饑飽勞役。烟酒聲色之徒。蓋疫癘之毒。每乘人氣之虛。內襲爲病。經云。邪之所湊。其氣必虛是也。邇來疫毒傳染。遍及城鄉。其勢梟惡。不可逆料。因病夭殤。不可勝數。七八月間。成都大疫。病者如林。凡乞治者。不能盡診。叩其證狀。錄方授之。互相傳送。活人無算。爰將治驗之方。詳訂藥品分兩。擬名庚申解疫飲。方中首以石膏爲主。投之百發百中。復治時疫重病。曾有用石膏至十餘斤之多。而始愈者。惟獨吹無和。反爲醫界諸公所謗讟。嗚呼。洪鐘毀棄。瓦釜雷鳴。其借此術以漁利者。匪伊朝夕矣。世之言醫者。抑何夥耶。淺者售。僞者售。圓滑者售。率以人之生命爲嘗試。苟聞時疫之名。卽目眩心惑。是寒是熱。漫無的見。僉指肢冷肉脫。爲陰寒直中。表陽內陷之的據。上



焉者用附子乾薑肉桂吳萸以溫中。下焉者竟投羌活柴胡川芎細辛以發表。種種燥熱之藥。隨意亂寫。藥一下咽。死如服毒。猶以服熱藥。而肢更冷。肉更脫。其爲大寒大虛無疑。逞其無師之智。揚其道聽之說。病理蕩然。治法陵夷。舉世皇皇。莫不以補虛回陽之方。交相告勉。一醫如斯。百醫效尤。醫者無目。病者無命。在城市之區。則填溢街巷。在窮僻之鄉。則委壑投崖。所以人之有生。爲水火刀兵所傷殘。不若瘟疫之廣。盜賊匪徒之凶暴。不若庸醫之毒。醫以不明之術。傳之於子。傳之於徒。衣鉢相承。陷人於死。而終不悟其所以然。豈真天生若輩。而爲天代行刦運者哉。幸復尙存一隙微明。治時行瘟疫。無論老幼男婦。一以石膏爲主。特撰此論。擬爲標的。藉以解破舉世之大惑。嗟夫。復殫精竭力。不避毀謗。而諄諄以涼藥立論者。非但欲以美於己。而非於人。矜於名。而苟於利也。所冀醫者之惑易解。而病者之命得延耳。論中義理。有乖失者。幸冀來哲以改正焉。務欲闡明



時疫治法。而普救病者之生命云爾。民國九年庚申冬。華陽劉復。序於蓉城之南。存心堂診次。

此復庚申紀實之作也。十餘年來。雖自校之。尙未敢別持異議。有所改易。所以然者。理論推測。不能變更事實。事實固不可誣也。惟年少氣盛。多作憤激語。斯固學養不深。與覺今是而昨非者不同。考霍亂雖有寒熱兩證之殊。揆其主因。爲溼則一。寒溼用附子。溼熱用石膏。石膏主三陽。偏重少陽二焦。附子主三陰。尤重少陰心腎。兩藥背道。各走極端。用得其當。效如桴鼓。用適其反。禍不旋踵。至於熱霍亂而不需石膏。寒霍亂而不需附子。此爲霍亂之輕證。非重證之所能必效者也。寒潛熱浮。寒斂熱溢。所以寒難傳染。熱易流行。凡霍亂之流行傳染。釀成時疫者。莫不屬於熱證。此當年之庚申解疫飲。重用石膏。每投必效。豈臆揣之治法哉。蓋實事求是然也。然又恐讀者惑於用寒涼治熱疫之本論。反於傷寒論霍亂

證治用附子爲主之義理。忽焉不察。矯枉過正。厥弊惟均。爰爲訓解。刊行問世。今夏洪水橫流。泛濫於江河之間。餓殍載道。廬舍爲墟。友人輩慮發時疫。囑爲重訂。再付坊刊。辛未夏。劉復自校再記。

上海真茹弟子孟金嵩友松謹按。吾師民叔先生。手批揮刻。近儒章太炎霍亂論一卷。弟子恐其久而散失也。爰次於先生昔撰傷寒論霍亂訓解之後。與時疫解惑論並刊行世。學者可以於此數卷。藉覘先生二旬三旬四旬治學之程序焉。



時疫解惑論目錄

吾以齋蜀醫叢刊之四

序 再記

上卷

總論

附藥水方申石庚膏申解疫子飲方石跛庚湯申方痧庚藥申方礬鹽庚湯申方痧

論吐利

論轉筋

論心慌

論疫脈

論洩瀉

論肢厥

論肉脫

論妊娠染疫

附流存心堂戒烟斷癢年腕臙膏方礬黃油片源

論小兒染疫

附兒散疹方證洽論略存心堂消疳療瘦一福

論善後



論防疫附存心堂治腎虛精枯養生補脂方鍊身術 一患夢
結論

下卷

治例冊七條點眼熊膽膏方 四冊三條吹喉錫類散法

答客難

辨傷寒胸攣急

陳西庚先生校言



時疫解惑論上卷

蜀華陽劉復民叔甫著

男 文救方平 參

姪 文公志言 校

總論

兵凶之際。疫癘盛行。自古然矣。況茲值暑溼交蒸之夏月乎。人在暑溼交蒸之中。無隙可避。其不能淡泊滋味。屏逐聲色者。則交蒸之毒。逕由口鼻襲入。故長夏之季。爲流行傳染最盛之時。蓋雨暘無常。寒暖易變。方其盛夏熱蒸。炎赫沸騰。俄而寒霧凝慘。雨淫溼鬱。陰霾初散。烈日復臨。天之熱氣下。地之溼氣上。交結互蒸。釀成穢濁。兼值兵燹之際。積屍載道。血腥之氣。溷於塵沙。其腐臭穢惡。挾暑溼以蒸騰。上下相摩。氤氳鼓蕩。如烟如瘴。如潮如霧。其來也無端。其出也無時。假風流行。分布四野。凡征途將士。田野耕夫。以及勞工苦力。奔走於氣交之中者。莫不吸



此穢濁惡毒。毒入卽病。因病致死。病氣屍氣。充塞一室。連牀並榻。互相傳染。沿門闔境。相繼死亡。殆張平子所謂「民病都死。死有滅戶。人人恐懼」者耶。抑陳思王所謂「癘氣流行。闔門而殪。覆族而喪」者耶。孰意大疫。於今再見。嗚呼慘矣。客有感者而問於余曰。歐美西醫。均稱凡病皆由細菌原蟲而成。可取其體以示人。洵爲信而有徵者。今君尙論時疫。僅稱穢濁惡毒。囫圇其詞。將何以折服今日之所謂新醫乎。復答曰。中醫西醫。其揆一也。夫細菌之叢生。原蟲之繁殖。必先穢濁其氣。然後惡毒其化。有因斯有緣。有緣斯有果。穢濁其因。惡毒其果。細菌原蟲。惡毒之質也。究其穢濁。何以惡毒。則緣而已矣。按史記秦紀正義。『蠱者。熱毒惡氣。爲傷害人。』此言蠱性惡毒。中人爲害也。左傳昭公元年。『晉侯有疾。求醫於秦。秦伯使醫和視之。曰。疾不可爲也。是謂近女室疾。如蠱。』此言晉侯乃晦淫惑疾。非中蠱也。故曰如蠱。固知疾病亦有不必因於蠱者也。又注云。『



穀久積則變爲飛蟲名曰蠱。』此言穀腐化蠱。隨風飛散。舉穀所以例百物也。素問玉機真藏論云。『少腹冤熱而痛。出白。一名曰蠱。』此言出白爲蠱之同類物所致之病。故曰。一名蠱也。然則蠱當爲今之所謂原蟲。蠱之同類物。當爲今之所謂細菌無疑矣。彼西醫嘗譏中醫不知細菌原蟲。不知西醫之知細菌原蟲。在近百餘年間。而中醫之知細菌原蟲。乃遠在三千年以上。當時歐美各國。尙在野蠻時代。中國醫學發達之早。水準之高。於此可見矣。余同學楊君回菴言。『神農本草之藥味。不過三百餘名。就中言蠱毒鬼疰者。幾位百名之多。蠱卽微生物。疰卽病細菌。不過中西語別。名詞各異。又中國醫學歷漢晉後。盡失其傳。古人述語。多爲後人誤解。至今遂莫識中語之蠱。卽西語之微生物。西語之病菌。中國古代固名之爲鬼疰也。』此言微生物卽原蟲。蓋爲譯異。非兩也。按蠱毒鬼疰二語。在神農本草中。聯文疊見者。凡數十處。如豬苓犀角代赭。皆其最著者也。

知蠱毒既爲原蟲之毒。則鬼疰亦必與原蟲同類。而爲含有傳染性之致病物。菌必生於陰氣。故得謂之爲鬼疰。鬼。陰氣也。言其爲羣陰之氣。交感以生。具形體。有壽命者也。徵之神農本草。凡稱爲蠱毒爲鬼疰者。則爲蠱疰之常名。其或稱爲惡爲精爲物爲殃爲魅者。則爲蠱疰之奇恆之名。奇恆者。言奇蠱奇疰也。謂其異於常也。如木香主「辟毒疫溫鬼」。徐長卿主「鬼物百精。蠱毒疫疾。邪惡氣」。升麻主「解百毒。殺百精。老物殃鬼。辟瘟疫」。龍骨主「鬼疰精物老魅」。據此。又可得三義焉。凡病之傳染者曰疫。言傳染瘟疫。必由於鬼疰蠱毒也。凡物之久壽者曰老。言老魅老物。必由於易生難死也。凡數字之多者曰百。言百毒百精。爲類非一種。狀非一形也。夫如是。則知一病有一病之鬼疰蠱毒。卽一病有一病之細菌原蟲。考本草主治之例。凡病之屬邪氣者。則曰除。屬不足者。則曰補。屬癥堅積聚者。則曰破。屬動植諸物者。則曰殺。曰殺者。蓋凡動植諸物。皆具有

壽命可生死。必殺之而後毒除。如烏頭主「殺禽獸」。芫花主「殺蟲魚」。犀角主「殺鉤吻鳩羽蛇毒」。雄黃主「殺精物惡鬼百蟲毒」。則是本草凡於蠱毒鬼疰皆曰殺者。正猶西說凡屬動物性者名原蟲。屬植物性者名細菌。而皆以殺之爲盡治療之能事也。復撰本論不以蠱毒鬼疰爲言者。誠慮立論過古。非垂訓初學之道。姑舉疫毒二字。以爲述語焉。嘗察疫毒侵入之路有二。口鼻是也。由口入者歸於胃。由鼻入者歸於肺。歸胃則上吐下利。形消肉脫。歸肺則惡寒發熱。昏悶音啞。一臟一腑。同受疫毒。表證裏證。各呈其狀。在胃則曰霍亂。霍亂轉筋者危。胃液內涸。風邪鸚張也。在肺則曰痧脹。痧脹閉鬱者殆。肺氣壅塞。穢毒盤據也。然霍亂痧脹。往往並見。惟肺氣實則邪多歸併於胃。胃氣實則邪多歸併於肺耳。夫肺司呼吸。邪在肺者宣其氣。胃司飲食。邪在胃者利其水。宣氣利水。是治時疫兩大法門。當知時疫爲病。雖有肺胃之殊。一皆熱毒爲患。絕無溫散溫

補之例。蓋暑即火也。火勝則風發。穢即毒也。毒鬱則火熾。毒火
 燔灼。津液有立涸之勢。再服辛熱。如附桂薑黃之溫中。羌柴芎
 防之發表。是抱薪救火。死不終朝矣。故宣氣宜芳香。利水宜辛
 寒。氣宣則表證退。水利則吐瀉平。復千慮而得此義。不敢私秘。
 特將自信之理。撰為解惑之論。大法以庚申解毒飲為主方。方
 中推重石膏。蓋疫為火熱之毒。石膏具寒水之性。以寒勝熱。以
 水制火。故以之治時行瘟疫。全活者不勝屈指。今欲矯正醫誤
 而壽民生。敢辭饒舌乎。謹論。

庚申石膏解毒飲製自 治霍亂吐利。心慌轉筋。肢厥肉脫。兩

脈沈伏。音啞口渴。溺熱如沸湯。目赤舌絳。咽乾喉痛。方。

生石膏二兩 滑石 凝水石各一兩 菡豆生八錢 木瓜

茯苓 豬苓 澤瀉 蘭草各三錢 金銀花四錢

右十味。以水四大盃。煮取一盃半。去滓。不拘時服。若病重者。
 可日服至二三劑。並刺尺澤委中少商厲兌四穴。以洩疫毒。



若吐利初起。尙未化火動風者。可酌加桂或桂枝。

庚申白痧藥製自。治吸受穢惡。釀成痧脹。昏迷跌倒。牙關緊

閉。氣悶痰鳴。不省人事。方。

生半夏去黃皮 川貝母去心 白礪砂各二 麝香

大梅片各四分 麻黃去根 牛黃各二 蟾酥九

右八味。生曬。各研細末。始稱準合勻。再研極細。瓷瓶收藏。蠟

封口。勿洩氣。每用少許。吹入鼻內。重者再用二三分。陰陽水

調服。極效。受業孟金嵩謹按。此方療痧。頗有特效。備此則平安散行軍散諸藥。可勿備也。

解疫飲辛寒利水。白痧藥芳香宣氣。不熱不燥。極為對證。若

不口渴。心慌溺熱者。乃通常寒溼吐利之證。而非時行疫病

也。輕者服余製送之痧藥水足矣。重者非四逆湯吳茱萸湯

不為功。苟認證不的。用藥一誤。生死反掌。千金方云。『治中

熱霍亂暴利。心煩脈數。欲得冷水者。新汲井水。頓服一升。立

愈。先患胃口冷者。勿服之。』服新汲井水。尙且如此。況大劑



石膏乎。李東垣曰。『胃弱者不可用。』誠歷鍊之言也。市醫不知證有疑似。敢將治愈寒溼吐利之方。妄治時疫熱毒之病。竟有登諸報章。以表揚者。或刊印廣告以張貼者。時疫服之。無不斃命。噫。好仁不好學。其流弊可勝道哉。

庚申痧藥水自製 治露臥貪涼。啖冰飲冷。上吐下利。腹痛胸悶。自汗膚涼。舌淡胎白。並暈船暈車。水土不服。方。

中國樟腦二兩四錢 真小土二兩 生薑 藿香各四錢

桂枝 厚樸 肉桂去粗皮 公丁香 大茴香

廣木香各一兩 乾薑五錢 陳皮 青皮去瓢

川芎 紅花 蘇木各六錢

右十六味。用原莊高粱酒十斤。浸透一月。每汁一斤。加百倍

薄荷油二錢四分。每瓶裝藥水一錢。以火漆封口。每次半瓶。

重者一瓶。開水沖服。小兒減半。孕婦忌。受業周福煦謹按。真小土即鴉片烟。

大茴香即八角茴香。陳皮以香川產者良。 另用食鹽一握。揉搓兩手腕兩脇兩

